



**Broj: 13-11-4-13977/22**

**Datum: 02. 06. 2023. godine**

Na osnovu člana 70. stav (4), člana 69. stav (2) tačka d) i člana 100. stav (3) Zakona o javnim nabavkama ("Službeni glasnik Bosne i Hercegovine" broj 39/14 i 59/22), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20-ispravka) i člana 200. Zakona o upravnom postupku ("Službene novine Federacije BiH" br. 2/98 i 48/99), na prijedlog Komisije za javnu nabavku roba, radova i usluga, Općinski načelnik d o n o s i

## ODLUKU o poništenju postupka javne nabavke

### I

Poništava se postupak javne nabavke roba „Nabavka obuće za pripadnike struktura civilne zaštite“.

### II

Za izvršenje ove Odluke zadužuje se Služba za zajedničke poslove Općine Novo Sarajevo.

### III

Danom stupanja na snagu ove Odluke, prestaje da važi Odluka o izboru najpovoljnijeg ponuđača broj: 13-11-4-13977/23 od 15.05.2023. godine.

### IV

Odluka o poništenju postupka javne nabavke objavit će se na web stranici [www.novosarajevo.ba](http://www.novosarajevo.ba), u skladu sa članom 70. stav (6) i članom 71. Zakona o javnim nabavkama Bosne i Hercegovine.

### V

Ova Odluka stupa na snagu danom donošenja.

## O b r a z l o ž e n j e

Postupak javne nabavke proveden je putem otvorenog postupka javne nabavke, a pokrenut je na osnovu Odluke Općinskog načelnika broj: 13-11-4-13977/22 od 23.12.2022. godine.

Procijenjena vrijednost javne nabavke sa PDV-om je: 80.000,00 KM (slovima: osamdesethiljada konvertibilnihmaraka).

Obavještenje o javnoj nabavci broj: 935-1-1-308-3-288/22 od 28.12.2022. godine u 15:19 sati, 935-1-1-308-8-54/23 od 01.02.2023. godine u 14:17 sati (ispravka) poslano je na objavu na Portal javnih nabavki.

Komisija za javnu nabavku roba, radova i usluga, je imenovana Odlukom Općinskog načelnika broj: 13-11-4-13977/22 od 23.12.2022. godine.

Iz Zapisnika Komisije za javnu nabavku po pristigloj žalbi: INKOS EXPORT-IMPORT d.o.o. Kakanj je vidljivo da se Komsija sastala dana 26.05.2023. godine u 16<sup>00</sup>, i konstatovala kako slijedi:

Dana 24.05.2023. godine, ponuđač INKOS EXPORT-IMPORT d.o.o. Kakanj putem protokola Općine Novo Sarajevo je uložio žalbu, te dana 26.05.2023. godine, dopunu žalbe na Odluku o djelimičnom usvajanju žalbe broj: 13-11-4-13977/22 od 15.05.2023. godine u postupku javne nabavke roba „Nabavka obuće za pripadnike struktura civilne zaštite“.

Prije nego što se upustila u meritorno odlučivanje po žalbi, Komisija za javne nabavke roba, radova i usluga je pristupila provjeri formalnih pretpostavki za ulaganje žalbe, koje moraju biti ispunjene od strane žalitelja, kako bi se pristupilo njenom rješavanju, a koje se odnose na uslovljene pretpostavke u skladu sa odredbama člana 100. Zakona o javnim nabavkama („Službeni glasnik BiH“ br. 39/14 i 59/22), odnosno na dopuštenost, blagovremenost, izjavljenost od strane ovlaštene osobe i aktivnu legitimaciju žalitelja.

Ispitujući pravne pretpostavke za postupanje po predmetnoj žalbi, Komisija za javne nabavke je utvrdila da su udovoljene procesne pretpostavke za ulaganje žalbe, odnosno postupanje po istoj, te da je žalba ponuđača INKOS EXPORT-IMPORT d.o.o. Kakanj dopuštena, blagovremena, izjavljena od strane ovlaštene osobe i lica koje ima aktivnu legitimaciju.

Žalitelj INKOS EXPORT-IMPORT d.o.o. Kakanj u žalbi navodi kako je Ugovorni organ prilikom razmatranja žalbe uložene od strane ponuđač MM TRADE d.o.o. Široki Brijeg uložene na Odluku o izboru najpovoljnijeg ponuđača broj: 13-11-4-13977/22 od 03.05.2023.godine, kojom je ponuđač/žalitelj INKOS EXPORT-IMPORT d.o.o. Kakanj izabran kao najpovoljniji ponuđač, te djelimičnim usvanjem žalbenih navoda ponuđača MM TRADE d.o.o. Široki Brijeg na osnovu čega je prvobitna Odluku o izboru najpovoljnijeg ponuđača broj: 13-11-4-13977/22 od 03.05.2023. godine stavljena van snage, te je ponuđač MM TRADE d.o.o. Široki Brijeg izabran kao napovoljniji ponuđač u predmetnom postupku javne nabavke, postupio suprotno činjenicama navedenim u Tenderskoj dokumentaciji.

Žalitelj dalje navodi:

- ugovorni organ je usvojio drugi žalbeni navod ponuđača MM TRADE d.o.o. Široki Brijeg, u kojem je isti naveo da je INKOS EXPORT-IMPORT d.o.o. Kakanj dostavio Izvještaj o ispitivanju kvaliteta u kojem se navodi da je visina gornjeg dijela obuće u petnom dijelu 180mm, dok je zahtjevana visina 190mm, te da je INKOS EXPORT-IMPORT d.o.o. Kakanj dostavio izvještaje akreditovane laboratorije iz kojih nedvojbeno proizilazi da su svi ispitivani uzorci u skladu sa tehničkim opisom iz tenderske dokumentacije,

- da ugovorni organ nigdje u tenderskoj dokumentaciji nije tačno, egzaktno nedvosmisleno propisano da proizvođačka deklaracija za dostavljene uzorke- katalog, koji je bilo potrebno dostaviti u skladu sa odredbama tenderske dokumentacije, mora biti uvezan u ponudu,

- da je u izmijenjenoj tenderskoj dokumentaciji prilikom tehničkog opisa uzoraka navedeno kako je po pitanju dostavljanja uzoraka obuće iste moguće dostaviti u rasponu brojeva 42 do 46,

- da je ponuđač MM TRADE D.O.O. Široki Brijeg, dostavio izvještaj ovlaštene laboratorije EURO INSPEKT d.o.o Sarajevo, u kojem nije jasno navedeno da kontrolisani uzorci u svemu kvalitetom ispunjavaju tehničke uslove, kao i da nije dostavio uzorke u kutiji sa jasnom naznakom naziva ponuđača, a što je traženo tenderskom dokumentacijom.

Dana 26.05.2023.godine Komisija za javne nabavke je razmotrila žalbene navode, te je uvidom u dostavljenu dokumentaciju, utvrdila kako slijedi:

Prilikom pregleda i ocjene ponude ponuđača INKOS EXPORT-IMPORT d.o.o. Kakanj, a koji je uslijedio nakon uložene žalbe ponuđača MM TRADE d.o.o. Široki Brijeg, Komisija za javne nabavke roba, radova i usluga je utvrdila kako je u dostavljenom izvještaju akreditovane laboratorije BOSNAINSPEKT d.o.o. Sarajevo, navedeno da je visina gornjeg dijela obuće (duboka čizma) u petnom dijelu 180mm, a ne 190mm, što jasno ukazuje da ispitivani i dostavljeni uzorak nije u skladu sa traženim tenderskom dokumentacijom, zbog čega je ovaj žalbeni navod ocijenjen kao **neosnovan**.

U vezi drugog žalbenog navoda a obzirom da je članom 8. Uputstva za pripremu modela tenderske dokumentacije i ponude (“Službeni glasnik BiH”, broj 90/14 i 20/15) jasno propisano sljedeće:

„Ponuda se izrađuje na način da čini cjelinu, ako zbog obima ili drugih objektivnih okolnosti ponuda ne može biti izrađena na način da čini cjelinu, onda se izrađuje u dva ili više dijelova, ponuda se čvrsto uvezuje na način da se onemogućiti naknadno vađenje ili umetanje listova, ako je ponuda izrađena u dva ili više dijelova, svaki dio se čvrsto uvezuje na način da se onemogućiti naknadno vađenje ili umetanje listova, dijelove ponude kao što su uzorci, katalogi, mediji za pohranjivanje podataka i sl. koji ne mogu biti uvezani ponuđač obilježava nazivom i navodi u sadržaju ponude kao dio ponude“,

Komisija je ocijenila kako je isti **neosnovan**, iz razloga što žalitelj nije potrebnu dokumentaciju dostavio na naprijed navedeni način.

Razmatrajući treći žalbeni navod Komisija za javne nabavke roba, radova i usluga je takođe ocijenila **neosnovanim**, iz razloga što je u tenderskoj dokumentaciji jasno navdano da su ponuđači bili dužni dostaviti uzorke veličine 45 ili 46, dimenzije i mjere u kojim su dopuštena određena odstupanja.

Ponovnom evaluacijom ponuda ponuđača MM TRADE D.O.O. Široki Brijeg, utvrđeno je kako je četvrti žalbeni navod **osnovan** u dijelu koji se odnosi na navod žalitelja kako u izvještaju ovlaštene laboratorije EURO INSPEKT d.o.o Sarajevo nije jasno navedeno da kontrolisani uzorci u svemu kvalitetom ispunjavaju tehničke uslove. Naime ponovnim uvidom u ponudu ponuđača MM TRADE d.o.o Široki Brijeg odnosno uvidom u izvještaj ovlaštene laboratorije EURO INSPEKT d.o.o. Sarajevo, utvrđeno je da u dijelu izvještaja "Izjava o usklađenosti" nije jasno navedeno da ispitivani i dostavljeni uzorci u potpunosti odgovaraju uslovima definisanim tenderskom dokumentacijom. **Osnovanim** je ocijenjen i navod žalitelja da je ponuđač MM TRADE D.O.O Široki Brijeg dostavio uzorke u kutijama na kojima ne piše naziv ponuđača, a što je traženo tenderskom dokumentacijom.

U postupku ocjene provedenog postupka Općinski načelnik nije našao razloge, nepravilnosti niti propuste u radu, koji bi eventualno bili osnov za neprihvatanje prijedloga Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je Odluka o poništenju postupka javne nabavke donesena jednoglasno u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 69. stav 2) tačka d) i člana 100. stav (3) Zakona o javnim nabavkama, odlučeno je kao u dispozitivu ove Odluke.

#### **Pouka o pravnom lijeku:**

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, broj: 08- 02-2-8303-1/14 od 09.10.2014. godine.

**OPĆINSKI NAČELNIK**

**Dr. Hasan Tanović**



#### **DOSTAVITI:**


- INKOS EXPORT-IMPORT d.o.o. Kakanj
- MM TRADE D.O.O. Široki Brijeg
- a/a

Općina Novo Sarajevo, ulica Zmaja od Bosne br. 55, centrala telefon (387 33) 492 100  
Komisija za javne nabavke

tel: (387 33) 492 113, fax: (387 33) 492 338, email: zajednickiposlovi@novosarajevo.ba  
Identifikacioni broj: 4200558710008 PDV broj: 200558710008 Porezni broj: 0170333000  
Depozitni račun 1411965320011288 Bosna Bank International d.d.



17



18